

知足齋進呈文稿



王雲五主編

叢書集成初編

知不足齋進呈文稿

中華民國二十五年六月初版

撰者

朱

珪

發行人

王

上海河南路

雲

五

印刷所

商

上海河南路

務印書館

館

發行所

商

上海及各埠

務印書館

館

(本書校對者楊瑞文)

學

一二五〇上

大

知足齋進呈文稿目錄

第一卷

平定西域回部大功告成頌 謹序

平定兩金川大功告成頌 謹序

聖駕五巡江浙樂府 謹序

皇上七旬萬壽文 謹序

恭慶皇上御極六十年萬壽文 謹序

御製栽者培之傾者覆之論恭跋

御製反蘇軾超然臺記說恭跋

御製回疆三十韻恭跋

御製十全老人之寶說恭跋

御製顯諸仁藏諸用論恭跋

御製小德川流大德敦化論恭跋

御製亶聰明作元后元后作民父母論恭跋

第二卷

御纂續詞林典故序恭跋

御製毓慶宮記恭跋

御製才德說恭跋

御製勤政箴恭跋

御製樂取於人以爲善論恭跋

御製有大而能謙必豫論恭跋

御製邪教論恭跋

御書謙卦恭跋

御製復其見天地之心論恭跋

御製迎長至論恭跋

御製君子以虛受人論恭跋

御製恆以一德論恭跋

御製君子以懲忿窒欲論恭跋

御製讀皋陶謨恭跋

御書禹貢洪範恭跋

御製既醉備五福論恭跋

御製能者養之以福論恭跋

御製禮與其奢也寧儉論恭跋

御書四箴恭跋

御書左傳楚武王侵隨一則恭跋

御書晉侯歸謀所以息民篇恭跋

御書荀勗省事不如清心奏議恭跋

御書唐呂溫頌姚崇誠宋司馬光蘇軾著錄一則恭跋

御製蘇軾刑賞忠厚之至論恭跋

御製存誠戒僞說恭跋

御製盛京頌恭跋

御製辛巳歲我太宗大破明師於松山之戰書事恭跋

知足齋進呈文稿卷第一

臣朱珪恭撰

平定西域回部大功告成頌謹序

臣伏見皇上執天樞。秉神斷。五年之間。全定西極。決勝二萬里而遠。鏡照機張。不爽毫刻。籍伊犂。縲名王。蕩餘氛。降諸部。有罪必誅。無遠弗庭。發之九重之上。而收之八荒之外。互古以來。未之有也。臣嘗竊怪漢司馬相如作封禪文。班固著典引其文瑰奇而非事實。或夸珍符。喻封禪。至於祖伊耆。臣素王。尤不可爲典。唐柳宗元作貞符及雅詩。韓愈作碑銘。然是時唐無他功。憲宗平淮西耳。千里之叛。塵乃克之。以爲如天之勳。不可企及。豈足語於聖神之萬一乎。臣伏讀御製太學碑文。及開感論兩篇。容畫大猷。功歸上緯。蓋帝堯之欽昊。有虞之敕命。至矣。曷以加茲。臣謹案。易稱。大人與天地合其德。又曰。天且弗違。言天固人之所自爲也。臣竊據事徵典。作文一篇。具道天子之功德。與天合契者。頓首以獻。其文曰。上圓昆侖。凝爲廣輪。其外環以裨海。中貫星辰。有敎天德。爲天下君。權輿龍翼。蘿圖之紀。不可得稽。蓋靡顯於軒轅。於是鞭應龍。竿涿鹿。五十二征。天下砥屬。少昊徠鞮。鞮顓頊。絕九黎。堯平九嬰之沴。舜翦緡雲之裔。姒子以來。於傳可記也。且夫德大者包天垓。德小者疆地戒。知有所不照。時有所不逮。漢斬郅支。訖於羈縻。唐棄維州。築室道謀。宋之有國。北剡西副。郾延環慶。原渭之外。委之夏人。拱手不敢西牧。終拓跋

九世而降於元。元失其鹿。明來椅之。始藩哈密。中葉而毀。嘉峪關外。亘土魯番。亦不刺據乎西海。瓦刺窟乎賀蘭。近塞榆林。北爲河套。毛里孩。火篩。吉囊。俺答。蓋先後甌脫其閒。明之守臣。不敢偵瞭。兩兒辨日。孰胖近遠。棄其玉斧。袖手莫斷。公卿訟於槐棘。疆場割其土版。戶楹不知。遑問四方。厥德弗馨。帝用眷命於我大清也。惟我太祖。以十三甲破葉赫。輝發。所向摧摺。遂有遼瀋之陽。至於太宗。長弓大鎧。駕兩白龍。塵松山。降朝鮮。蒙古列部。聯爲外藩。功莫勤焉。世祖受之。天乃全付所有。聖祖既拔三蘂。海訖天幹。極西北隅。有厄魯特部。爲阿魯台之裔。天命藁之。皇祖是用三駕。天戈稍乎月窟。取其鱣鯢。而赦其剽刖也。彼酋不悛。窺我西藏。世宗赫怒。遂定青海。莫我敢抗。殲之於厄爾得尼招。賊用大創。我皇上日夜思列祖之光。明自天榮鏡。昭德之致。於有萬方焉。南溟金川。雕題鬣首之國。莫不回面樹領。企爲內臣。天將以準噶爾全部。暨諸回國二萬里地。授之於我皇。於是綽羅斯之內訌。阿睦爾撒納之髮趨。大小和卓木之陸梁。所以啓大功而擴我疆也。夫時者事之鍵。知者決之斷。非鍵曷行。非斷曷成。當敏關之虞至。羌莫得乎要領。帝曰。時哉。操刀中肯。爰麾兩牙。剿阿爾泰山而下。飲馬於河。是時羊頭之銷。未殷其鋒。飛虻之鏃。未抽乎室。犁伊犂庭。俘大台吉。若泰風之振擗。大冶之爛雪。易於承蜩而掇之也。旣而拚蟻螻。嘯彪蜮。忠者握節。辨者守黑。皇帝不疑曰。是不可不大殛。再張天軍。罪人必得。然後鍾山之子。化爲鸚鵡。負危變竄。自相灰爛。首惡械相顧之尸。羣狙驚會稽之箭。隕坻破瓦。無有存者。從風而靡。莫不歸我。朝蟬封梟。矚之長。徠虎脊魚目之馬。東西布魯古特。娑奚繩橋之路。復通。右部哈薩克塔什罕。蠻觸鵲蚌之爭。遂捨。重舌九譯。拜

於闐下。與天無極。功業豈不大哉。彼波羅泥都。霍集占者。我之放豚。出豎負塗。背我大恩。地荒城阻。孰施長鞭。帝曰。是戕我義臣。不可赦原。易將授鉞。天討是申。庫車。阿克蘇。烏什。和闐。以次悉平。王師電撤。森發行萬餘里。攻葉爾奇木未下。退。暫乎黑水。當是時。賊衆數萬。我兵三千。守汧城而鑿穴。飲疏勒之飛泉。自非一人。辰居斗運。天輪闔張。先時輻湊。強兵鐵騎。儼睥馳驟。曷克拔重圍而破勍寇。若揲策而數計者。豈非天授哉。及乎大師長驅。寇窘而遁。置羅布天。棄其室家。乃收哈什哈爾。葉爾奇木之民。而窮二酋之所轢。三戰三捷。至於拔達山。傳檄授首。所部悉臣。子夜之尸。異處。相繇之身。不環。蕩雷轟以爲池。平阿耨以爲田。然後般師偃伯。燔柴挈皋。以告功乎皇天也。於是諸王三公六卿咸進曰。皇上獨秉天斷。功成甚偉。五年以來。闢地二萬餘里。伊古所稱。無有倫比。上尊號。協於泰元。垂之萬禩。帝曰。吁。惟天之佑。惟祖宗之志。其克有成。予其敬事。詎曰。帝躬裸於太室。徧告山陵。暨上下神祇。名山大川。咸秩。酬功行慶。莫不昭晰。乃揆天心。攤日暹。穹碑屹乎岫嶠。揚大文之炎炎。歸鴻名於泰一。參帝典以爲三。惟乾乾乎終日。式上帝之所監。日中必昃。觀天執時。有黃帝之明焉。惟德動天。無遠弗届。有重華之文焉。震用伐鬼方。三年克之。有高宗之斷焉。崇墉仡仡。四方以無拂。有文王之勳焉。彼漢唐之所契。擘宋明之所揭。撤又奚云乎。天道旻穆。無聲無言。聖人法之。不息益勤。惟動後志。有開必先。雷殷龍見。合謀於神。虛而不有。是爲乾元。上摶流乎三光。下配黎乎八裔。天哉。皇哉。皇哉。天哉。遂作頌曰。惟天九重。萬動之宗。孰協於極。我皇之德。衡氣發機。克灼知之。非惟知之。皇允釐之。茫茫大地。戒以山海。同於天光。惟皇德所逮。彼咀西域。獷莫之格。闕

彼白澤。我執而弗射。面天者懷。背天者威。或耕而芽。火風其灰。我出我師。崑崙之西。坡陀萬里。今勞其歸。非常之原。莫敢或量。今成大功。天心克彰。祇祇翼翼。敬帝之則。劬鞫勞謙。萬年無極。

平定兩金川大功告成頌謹序

皇上至仁天幃。知臨幾灼。神武乾斷。初討金川。服則舍之。不訖厥誅。旣而蕩伊犁。收回部。光列聖之緒。闢地二萬餘里。極天西北。哈薩克。布魯特。鄂罕。土爾扈特。咸先後歸命內屬。土圭測景。至於日入之部。恍矣。陞矣。古未有也。乃促浸。趨拉比惡。背德。大師克之。五年。埽其窟巢。罪人族俘。功成大釐。臣伏讀御製平定兩金川告成太學碑文。暨勒銘美諾。勒烏圍。噶喇依之碑。仰惟聖謨淵濶。天佑信順。靖民之勳。一勤永救。猶心惻衆勞。若將不及。蓋堯禹之克讓克艱。不矜不伐。大聖人用心。萬古一揆也。臣蒙恩慈。再入翰林。欣觀盛烈。愧黥淺荒落。無毫髮裨效。注鳴翼振。亦欲鼓舞太陽太和之光氣。竊不自量。作闡謨一篇。庶竭摠愚忱。宣繹天子睿聖功德。颺於無疆。謹頓首以獻。其辭曰。

天以大氣束九輪。陰揜陽張。亭毒鑿惇。或戴景而衛跡。或匿暉而巢蟄。馮生攬綱。孰溢靜是。厥惟大君。仁以均之。知以先之。勇以剿之。有不若廸。辟以止辟。所以康兆民也。故潰夙沙。鑿絕轡。疇華誅。三危竄。有扈剿絕。鬼方旣濟。聖人皆祇之。非得已也。昔周舞庸蜀。秦嘲牧犢。蹊其金牛。卽於白鹿。漢開四郡。竿驪變俗。深入不毛。葛姜之勞。有唐不競。遂驕吐蕃。麋谷清水。要盟屢寒。羌眈視乎全蜀。迺嫁婦於維州。譟而取之。城曰無憂。牛李爭柄。殺悉怛謀。金川故縣。小封更置。王建徙州。棄其地利。劃大渡以玉斧。宋割險而不治。

元設碣門。暨長河西。明障雜谷。鄰金川寺。稍蠶食之。聿遷其地。夫金川者。固三十三番之黑子。而董卜韓胡之細也。邛籠之巢。獾豸乎上碣。下碣。牛皮之筏。箭括乎沱水。孫水。繩橋縣度之摩曳。白狗白蘭之唇齒。連天萬嶼。絕地寸跬。遠達烏斯之藏。俯瞰井絡之底。苟蠱尾之有毒。雖顛藥其必持。皇天啓佑我國家。自我烈祖。出震御天。八紘八賁。同於太平。皇帝紹重光。求民莫兢。兢乾乾。無一夫不被潤澤。惟十有三年。金川用師。則以促浸之蹂躪。拉而澤旺。獲也。元戈西揭。郎卡面革。帝曰。宥之。是我大造於兩金川。而不利其壻也。天畀所覆。何遠不輳。犁伊犁爲平川。芻宛馬於內廐。華夷四衛。屯田列堠。其陽城郭。至拔達山。蔥嶺和闐。實窮河源。徵張騫之鹽澤。辨篤實之火敦。遂臨西海。真覩崑崙。二萬里外。國之西門。徑乾陬而包坤角。彼汶山華離之地。曷足云乎。然而天緯旭卉。機發必克。趨拉首禍。促浸背德。澤旺昏而僧格。桑世其凶。郎卡死而索諾木稔其慝。始則賢栗擒乎鹿夢。既而剽女妻乎無弋。狼狽負固而逆命。蟹驢同難而薦食。亂革布之室家。蹯鄂什之疆域。天子以爲鞏金隄者。墻蟻穴。力原田者。芟陂塲。不一勞不可以久逸。不暫費不可以永寧。師出以律。否臧是懲。枕參首而命將。執蜚弧以先登。於是摧巴朗。復革布。資哩既克。美諾入據。鼯兔走其三窟。飛蟲懸於一縷。姑句跳而從其妻。迷唐號而夷其父。方移金鼓於昔嶺。詰罪人之逃遁。賊乃善幻。山鬼夜譁。乘無備之莫敖。戕致果之狼臆。小往大來。一發一斂。天將盈而殲旃。故不可以五稔也。當噶一路。整軍而出。皇帝申命阿桂。益汝吉林。索倫黑龍江。暨健銳火器。凡兵七千。惟汝定西將軍帥之。時則天策電掣。虎螭麋至。六軍一心。廟算神契。西南夾擊。大風掃隧。隕八卦之連雲。剗兩宗於挾日。

再收美諾。而趨拉之功訖矣。詔攝提格摩太一鑿天險。誅魁凶。馬尼南搏谷。噶西鑑。宜喜絨布。角倚肩膊。西路大軍直鉞羅博色。溯喇穆抵於默格。忽超前而蹠後。稟九重之指。攜鏡萬里如投箭。康薩爾梁嶮。粵劍鉞太古積雪。嵯峨龜裂。九鳥不照。飛鳶顛澹。木思工噶。唘衍聞豁。三年之岨。一日而掇。其時北師自日旁茹塞。攻石真噶沙爾尼。戰河之西。而大軍克噶爾丹。及噶朗噶。踞高而控低。刷遜克爾宗。加鞭尻脰。仰劓昆色。火炎拉枯。菑則大海。燂燂池魚。拔柵木以爲棧。凌章噶而上梯。遂披冷角寺。次於勒烏圍。是惟賊之舊巢。銅重甌而獨牢。蠱經樓於天半。碉卡傑儼而錯交。困獸入穴。層广外包。五丁顧而躑躅。九攻盡而莫挑。於是槎林樹柵。截河桺柞。鉤鼃鼃而石筍折。燧龍牛而冰崖鍛。擁沙囊於上流。鳴鼓角於地竊。降天出淵。神賊鬼暝。中秋之望。圓靈鏡空。蕩滌月嶠。蕭條天風。鯨鯢他藉。招搖奏功。遂以夜半克勒烏圍。捷書八日。聞於木蘭之帷宮。我軍合圍。逼噶喇依。跨梁踰溝。先克西里。乘其高標。風怒火舉。奪科布曲。及索隆古。舍齊雍中。跳入庭戶。南北兩路。破竹解瓦。埽獨松。驅馬邦。大會於麾下。乃籍羶物。火蟄獸。投焚石。哲天。穀纓囊。彭鼬。蟻蠓不漏。煽鑪鑪於大冶。鑠崑岡而裂吼。狶菴醜投。絕其哺穀。廷焚籲天。罪大莫宥。於是嬖姍缺徒。斑蘭精夫。鳥語哀牢之母。項髻朱戴之婦。槃瓠則男女搖尾。鄂瞞則兄弟駢首。窮彘匍匐。乞命晷刻。乾隆四十一年春二月丙午。索諾木率其兄弟莎羅奔。甲爾瓦。沃雜爾斯丹巴。及黨惡大頭人丹巴。沃雜爾等。就擒於軍。金川平。甲寅。帝方祇謁東陵。蹕桃花寺。紅旗至。惟皇天列祖。孚佑聖志。中外大悅。神人咸喜。皇帝曰。吁。將軍阿桂。百戰戴事。功第一。列爵上公。有加賜。自副將軍以下。論功封賞。以差。圖形紫。

光閣相臣將臣冠劍鱗次。乃徵帝典。敷文思。銘太學之碑。暨美諾。勒烏園。噶喇依。天子穆然。念康功甚勤。而敕命之不易也。一篇之中。三復致意。碣石鼓而汁五緯。劇玉壘而表萬禩。告功泰陵。大孝繼志。扶安輿。啓華芝。澤春淀。延蕃釐。甘雨滲漉。條風旖旎。日車東轍。印大觀而愴德威。登岱宗。陋亭云。告成闕里。偃伯秩文。復租稅。卻貢琛。養耆老。甄秀峻。旋龍舟。棹析津。覽來牟之菑畬。樂豐年之寧與。孟夏之月。六軍凱歸。乃幸良鄉。郊臺而勞之。萬騎案隊。饒螺震天。猊甲虎輶。觀者如雲。皇帝謁天受祉。張黃龍之纛。御翠鳳之邸。將軍前跽。行抱見禮。天光霽穆。清問燕喜。乃扈鑾啓行。馬上奏凱歌三十章。攤常杜之華琬。韻勺節之鏐清。鈞天雲門。訢合歡聲。格於帝京。前期以索諾木及其人屬。獻於太廟太社。皇帝乃御午門。司馬牽組。司寇致辟。受俘於闕下。五月朔。恭加上聖母皇太后徽號。曰崇慶慈宣康惠敦和裕壽純禧恭懿安祺寧豫皇太后。惟億億年。萬方咸寧。六合由豫。惟聖母篤天禴祐。乃頒詔天下。告於郊壇。名山大川。徧於羣祀。行慶施惠。莫不煦嫗。朝賡衢歌。離離乎羣雅。鏘鏘乎九夏。訏謨定。頌聲作。乃爲遠人畏德。感德樂德。三章之詩。備鞮鞻焉。畏德詩曰。羌氏石處。雪霜之窟。山巒蔽虧。不見日月。大夏涸凍。不知寒苦。天威赫昉。霹靂澍雨。鑿巖築礪。莫我堅厚。塹江笮橋。莫汝險溜。今何有哉。蕩蕩戶牖。攢拉函顙。促浸族拘。兄弟母拏。長繩曳婁。蜀之西北。有大山海。皇帝治之。互二萬里。傳告衆人。東西拜跪。皇帝萬壽。有向無倍。感德詩曰。昔九土司日夜弄兵。爾身我肉。狼藉壑谷。革布什咱。爲促浸所。掠其婦女。嬖嬖孌孌。彼鄂克什。與攢拉讎。埋盡咒詛。俾汝虔劉。謂維州橋。可以踰躐。鵠鵠仰嚇。天奪汝魄。皇帝天哉。誅鋤罪人。殄彼豺狼。卹此寡矜。自今

以始。我田我麥。我羊我牛。莫我辛螫。髦毚班鬪。勃窣蹈舞。皇帝萬壽。心歸大父。樂德詩曰。峨峨岷山。湛湛江水。去天一尺。江歸於海。正陽化醇。熙熙若春。壬哉林哉。今爲內民。夏有甘露。秋無盲風。冬日曠暄。雪冰和融。蜀土礪腴。咸賜復除。赦過宥罪。與民暨甦。嶷嶷都護。我鎮我撫。畇畇屯田。我戍我保。白狼槃木。樂漢之大。烏斯朶甘。吐蕃邏娑。天錫皇帝。覆育中外。日月出入。無有疆界。聖德高厚。恩澤周市。皇帝萬壽。與天意合。陳詩歌之。天人之孚。四極太和。嘉祥允符。是故一夫不獲。坐以待斃。惟皇帝仁。榮鏡萬幾。丕應後志。惟皇帝知。勿貳勿疑。九圍以鞏。惟皇帝勇。百姓日用而不知。聖人之謨。豈不容哉。堯曰。日慎一日。舜曰。惟時惟幾。禹曰。孜孜。德先祗台。故動則有開。必先靜。則中心無爲。以至於萬年。固我不丕基。

聖駕五巡江浙樂府謹序

乾隆四十五年春。帝幸江南浙江。孚民望。勤民功也。皇上法祖臨民。在宥榮鏡。歲辛未。至於乙酉。巡東南者四。自是以來。億兆延企慕思。俟翠華之景光者。十有五年。乃得報可。先是。濬陶莊引河成。既有事豫河。上渡黃之日。躬禱於河伯。厥明。決口就塞。河復其道。若合符劑。於是淮徐所在堤堰。命以時次第修築。而浙之海寧魚鱗各塘。悉發金鍵石。親臨籌度。釐舉指定。奠萬世功。謹案周禮。肆夏詩時邁也。曰。及河喬嶽。般曰。允猶翕河。言王者巡狩四嶽河海。高高下下。陂障宅居。非尋常行慶施惠之事也。若夫湛恩疊沛。賜蠲復租。巨億萬計。禁繁奢。減流就。問耆年。登髦秀。官士軍商。周覃涵浹。恭逢天子七旬萬壽。純嘏蕃釐。俾大江南北。海隅蒼生。親覩穆穆印印之輝。自朝至於日中。旻勤勞民庸。至誠無息者如此。皇哉。萬古未有。

之盛烈也。臣蒙恩備員清禁。未與扈從屬車之塵。竊揣萬姓鼓舞拊躍。宜有擊壤華封之辭。可附聲律者。謹擬迎鑾樂府十有九章以獻。其詩曰。

皇輦純輻。極和由庚。五臨桃被。八風宣行。四十五年。壽愷曼聲。衡殷南斗。河江緯經。天樞地奠。兆人叶情。鸞鈴葩瑤。肅離觀聽。右一章十二句。

帝臨紫壇。元日卜辛。皋搖旭卉。穀我下民。象載留俞。龍蕤發昕。民曰曠哉。十有五春。甸服銓結。拜賜復仁。視邇暨遐。膏露哟哟。右二章十二句。

濟水流瀦。潑方山秀。崑崙望秩於岱宗。軌道經下沚。五汶灑異源。泗沂輸同委。青陽汎滲漉。齊魯榮俶始。時哉鳩鴈聲。清問古鄰里。耆嫗何熙熙。康我耕與耜。右三章十二句。

大河混混東南趨。清口歎欲淮泗俱。陶莊隄外八百丈。引黃北注廝長渠。仁皇六巡親指畫。雲梯直下神哉謨。年深填闕待疏淪。功成聖睿天所俞。禹碑手紀四載績。蛟龍螭蛇行歸墟。躬臨河防更跋履。允猶般頌隨葉書。右四章十二句。

中春十日。帝觀於河。惟儀封未塞。豫之民以咨嗟。謂爾河伯。璧玉禮有加。至誠後志。順風涌沙。架鼉枝櫂。連鼇盤挐。千里一息。赴壑就科。天佑神相。冰蟾舒波。慰我宵旰。憂勤實多。右五章十六句。

淮水湯湯。禹州惟揚。湖浸甃社。山縣蜀岡。萬竈沸海。千颿轉橋。施舍已責。惠農及商。天喬蔭蔭。平山堂。衢尊羅舞聲發梁。節以制度阜且康。化南自北慶入疆。右六章十二句。

龍胎發瓜步。鵠首迎澄瀾。青山忽近遠。天水浩已寬。紫金屹中流。蓮宇高空攢。倒茄鏡無蒂。紅天出椽藥。堯心一登攬。六合愜大觀。列眉指焦固。辨樹橫江干。右七章十二句。

徑銀蒜。挖京峴。曲阿洄。夾岡衍。籟金牛。眺黃巘。披芙蓉。梁溪淺。錫惠駢。漱鳴琇。翳華芝。蔭芳薜。右八章十二句。

虎阜兮坡陀。華山兮竄篠。通門開二八。茂苑疏曲沼。天平上靈巖。具區俯滄漭。五車星氣聚。六御龍光繞。三江放東瀛。涵浸日月表。吳歛起滄浪。聳聳樂魚鳥。右九章十二句。

吳越同星。嘉禾壤錯。女勸蠶桑。農勤簞簞。煙雨空濛。鴛鴦秀綽。玉帶灣澗。車溪噴薄。春風嗒嗒。芳涇藹藹。浙西唱于。恩先咨度。右十章十二句。

白塔澈浦口。赭山浙海門。疾雷乘噫氣。齧岸春沙痕。柴塘樵石菑。歲久撼厥根。帝廬濱海民。爲爾安墜蟬。疇咨今已五。艮趾義取敦。萬年計磐石。工大誰能論。魚鱗盡脩築。坦迤排山跟。遙臨鳳皇麓。鞏若鳬鷺。右十一章十六句。

浙山媚媚水滿汀。湖光江色搖空青。面湖窅窅洞天關。近挹遠取皆瓏玲。寶石寶雲接葛嶺。靈隱靈鷲低南屏。鳳岡遙戛萬松葆。龍井倒汲風篁瓶。迎潮未擬白鷺下。擊水已連垂天翎。圓甕噓氣豁睿照。安瀾底續符清寧。右十二章十二句。

覽浙水兮右旋。溯大江而東上。馴敦囿於石城。擾之而兮鍾蔣。梅岡芬其雨花。天闕屹其抗掌。緬秦淮兮

委蛇。睠龍潭之罔象。眇六代其紛員。稱殷禮於肸蠁。澤滂濞乎江國。施南陽而北燠。右十三章十二句。
山陽西南隅。高堰鍵其隄。北當淮泗衝。南盭漕湖噓。瑱馴所脩捍。遠蹈元龍蹟。圖彼洪澤寬。誰鑠支祁魄。
咫尺距青口。瀉汗導桐柏。皇來繩祖武。念茲濱廣斥。金隄以次完。甃甃易堅石。長令淮表民。畋田宅爾宅。
右十四章十六句。

河延道兮鼓城東。交挾汴泗瀉兩洪。黃茆岡起雲龍麓。蘇隄蹟與戲馬同。舊川旣歸建瓴下。切和地防紆。
天衷。蜿蜒左右蕭陽近。噓噏消長淮海通。韓山奎山石堰接。分命圖度求康功。璿文大書記河復。黃樓何。
事誇元豐。右十五章十二句。

帝咨岳牧。惟河海奠居。鞠人謀人。非山川是娛。東南喁喁。無已麗奢。土事勿飾。木事勿鏤。頒金太府。賜所。
過租。全復蹕所。溥弛舊逋。百司伍士。拜級受糈。存問覲飴。肆赦眚辜。功宗咸秩。旣於幽遐。大澤摻流。蹈舞。
康衢。右十六章二十句。

三江揆麗則。羣雅多和聲。雲河傾天藻。風草抒下情。陳詩達夏諺。奏賦擬漢京。蘭芎擢口秀。菁茅彙以征。
學校廣弟子。科第開已庚。作人壽胥試。賀世鏘先鳴。右十七章十二句。

大圓垂精。三辰光華。大塊剪與。萬寶紐牙。文思堯暢。文明舜歌。瀏覽民風。疏寫性和。龍書穗篆。名山刻摩。
敷言皇極。矢音卷阿。右十八章十二句。

帝車般兮駕赤龍。壽星大角行天中。河游五老邀海童。上下臚驩第祿豐。五巡江外祉函蒙。七十萬壽勤。

天工。天道下濟如張弓。庶民惟星如雨風。日光月輪瞰於東。萬年聖德歌乾隆。右十九章十句。

恭慶皇上七旬萬壽文謹序

乾隆四十五年八月。恭逢皇上七旬萬壽。普天禔福。臣伏讀周書洪範。九五福。一曰壽。唐孔穎達正義曰。王者思睿則致壽。言睿爲五德之本。思爲君主之官。猶黃鍾之宮。召和而凝命也。堯典曰。欽明文思安安。皋陶贊舜曰。慎厥身修思永。然則詩書所載。聖主祈天永命。必有所以致之者也。臣沐浴壽宇。踴舞太和。竊忘其鄙陋。作睿繹一篇。推本天子睿聖之德。徵乎文章功烈之盛。而篤無疆之天祐者。誠足陶甄唐虞而鞏景命於億萬年矣。謹拜手稽首以獻曰。

遂初大赤含華。中黃紐牙。細縕摩盪。孰宰孰樞。三辰經天。綱爲斗車。六味甲地。埴壤黎壚。人統乎聖。思通乎虛。不息則久。與天地俱。連哉三皇五龍之紀。訖於赫胥尊虛。或以二萬八千歲始。或以千二百歲修。或以三百年著。蓋遐邇寥闊。而不可典據。孔子刪書。斷自唐虞。放勳重華。粵稽而知。敕天之命。思日孜孜。周公作無逸。述享國之本。在知小民之依。厥後太元神策。覲七十二代。唐志上瑞名六十四事。祥符真牒。參百册八繪。乃陞九疇而尊七緯。憧憧擗擗。豈曰睿乎。我大清受命。乾確坤固。皇上握三才之榮鏡。宣五聖之光燭。濬哲性成。緝熙學聚。斟元五期。統天六御。穆穆純純。宥密旭卉。中夜以思。呼吸帝謂。乃圓鍾假天神。函鍾出地示。肆獻裸饋食。懋於四時。松雲優氣。永言孝思。至德爲本。津根篤枝。思我國家。肇基大東。創業顯庸。長白松杏。鴨綠混同。賦盛京而三謁。敍薩爾濟戰功。揭艱難神武之烈。貽厥無窮。思在昔業廼篤。